

Glasanje

Izbori 9. septembra/rujna 2018.
Ovako ćete glasati za parlament
(riksdag) i Skupštine općina i Srezova
(kommun- och landstingsfullmäktige).



Ko ima pravo glasa?

Kako biste imali pravo glasa, potrebno je da ste navršili 18 godina najkasnije na dan izbora. To važi za sve izbore. Vaše pravo glasa se utvrđuje uz pomoć podataka o prebivalištu kod Poreske uprave (Skatteverkets folkbokföringsuppgifter), registrovanih 30 dana prije dana izbora.

Imate pravo glasati za parlament (riksdag):

- ako ste švedski državljanin i imate ili ste imali registrovano prebivalište i Švedskoj

Imate pravo glasati za Skupštinu općine ili Sresku skupštinu (kommun- och landstingsfullmäktige):

- ako ste švedski državljanin i imate registrovano prebivalište u Švedskoj
- ako ste državljanin jedne od zemalja članica Evropske unije, Islanda ili Norveške i imate registrovano prebivalište u Švedskoj
- ako ste državljanin neke druge zemlje i imali ste registrovano prebivalište u Švedskoj tri godine zaredom prije dana izbora.

Lica s pravom glasa dobiće poziv za glasanje, tzv. glasačku karticu (röstkort)

Lica s pravom glasa dobiće glasačku karticu putem pošte oko tri tjedna prije izbora. Na glasačkoj kartici piše za koje izbore imate pravo glasa, kojoj izbornoj jedinici pripadate, kao i naziv, adresa i radno vrijeme glasačkog mjesta. Na glasačkoj kartici su i podaci o mjestima za prijevremeno glasanje. Ako želite prijevremeno glasati, morate ponijeti sa Vama glasačku karticu.

Ako niste dobili glasačku karticu ili ste je izgubili, možete naručiti novu u Općini (kommunen) ili Izbornom organu (Valmyndigheten).

Glasacki listići

Glasacki listići su žuti za izbor u parlament, bijeli za izbor skupština Općina, a plavi za izbor Sreskih skupština. Glasacki listići postoje na svim mjestima gdje ćete glasati i kod partija. U slučaju da želite glasati prijevremeno ili putem posrednika, to morate uzeti glasačke listiće od političke stranke ili Općine.

Glasanje za partiju (političku stranku)

Prvo se glasa za neku od partija. Ime partije navedeno je na glasačkom listiću. Ako ne možete naći glasački listić Vaše partije, možete uzeti prazan glasački listić i napisati, vrlo čitko, ime Vaše partije.



Glasanje za kandidata

Ako želite da se izglasa neki konkretan partijski kandidat, možete glasati za tog kandidata ako stavite znak „x“ u rubriku ispred imena kandidata na glasačkom listiću. Možete glasati samo za **jednog** kandidata.

Morate potvrditi Vaš identitet

Da bi Vam dozvolili da glasate, morate potvrditi Vaš identitet tako što ćete prikazati neki od identifikacionih dokumenata, kao što su vozačka dozvola ili pasoš. – Ako nemate identifikacioni dokument, drugo lice može potvrditi Vaš identitet, ali će to lice morati da pokaže identifikacioni dokument.

Glasanje

Na dan izbora glasajte na Vašem izbornom mjestu

Možete glasati samo u izbornom mjestu navedenom na Vašoj glasačkoj kartici. Izborno mjesto je otvoreno samo na dan izbora. Kada glasate, na Vašem izbornom mjestu će Vas zabilježiti u izbornu knjigu, a Vaš glas staviće se u izbornu kutiju.

Prijevremeno glasanje u Vašoj ili drugoj Općini

Prijevremeno glasanje znači da ćete glasati na drugom mjestu, a ne na Vašem glasačkom mjestu. Prijevremeno glasanje počinje otprilike tri nedjelje prije dana izbora i odvijaće se završno sa danom izbora. –

Morate sa sobom nositi glasačku karticu kad prijevremeno glasate budući da se njome šalje Vaš glas do izbornog mjesta. Tamo će se brojiti Vaš glas.

Možete dobiti podatke, o tome gdje prijevremeno da glasate, na veb lokaciji www.val.se ili od Vaše Općine.

Glasanje iz inozemstva

Ako ste u inozemstvu, možete glasati poštom ili glasati u švedskoj ambasadi ili švedskom konzulatu. Da bi glasali poštom, potreban Vam je materijal koji možete poručiti od Izbornog organa (Valmyndigheten). Možete glasati poštom najranije 45 dana prije izbornog dana, a glasanje preko ambasade ili konzulata se može obaviti najranije 24 dana prije dana izbora.

Neka lica mogu da glasaju putem kurira

Možete glasati putem kurira ako ste bolesni, hendikepirani ili stari i ne možete sami otići do izbornog ili glasačkog mjesta. U tom slučaju kurir može biti Vaš suprug/a, nevjenčani partner ili njihova djeca, unučad, roditelji ili braća i sestre. Možete glasati putem kurira i ako ste u pritvoru ili u popravnoj ustanovi. U tom slučaju možete potražiti pomoć od personala. Ako živite u oblasti koju pokriva seoski poštar, isti može biti Vaš kurir. Ako ne poznajete nikoga ko bi Vam bio kurir, Vaša Općina Vam može organizirati primaoca glasa, koji će doći kod Vas kući. Kontaktirajte Vašu Općinu. Da bi glasali putem kurira, potreban Vam je poseban materijal koji možete poručiti od Općine ili Izbornog organa.